

Fylkesmannen i Vestland
Statens hus, Njøsavegen 2
6863 LEIKANGER

Deres ref

Vår ref
19/3497-3

Dato
11. november 2019

Departementet sitt vedtak av 23.9.2019 om å avvise klage på oppheving av stoppordre – Omgjering

Vi viser til Fylkesmannen sitt brev av 26. juni 2019 med oversending av klage på Fylkesmannen sitt vedtak av 23. mai 2019 om å avvise klage i sak 2019/6389.

Saka vart besvart i departementet sitt brev av 23. september 2019 med saksnummer 2019/3497. I dette brevet vart fylkesmannen sitt avvisingsvedtak stadfesta.

Saka vart besvart på ny i departementet sitt brev av 1. november 2019, med saksnummer 2019/3460. I dette vedtaket vart fylkesmannen sitt vedtak av 23. mai 2019 oppheva, og saka vart sendt attende til Fylkesmannen til ny vurdering.

Det viser seg at denne saka vart ført inn i departementet sine system to gonger, med to ulike saksnummer. Sakene vart så fordelte til to ulike avdelingar til behandling. Avdelingane fatta deretter to ulike vedtak i same saka, utan å vite at saka også låg i ei anna avdeling.

Fylkesmannen sitt avvisingsvedtak av 23. mai 2019 la til grunn at Lindås kommune hadde beslutta å ikkje forfølgje eit mogeleg lovbrøt, og la vidare til grunn at denne beslutninga ikkje er eit einskildvedtak som kan påklagast. Departementet si avgjerd av 23 september 2019 var grunna på same faktum.

Departementet sitt vedtak av 1. november 2019 legg til grunn at det ikkje ligg føre eit vedtak frå Lindås kommune om ikkje å forfølgje eit mogeleg lovbrøt. Det gjer at Fylkesmannen har nytta feil faktum i si vurdering, noko som gjer at vedtaket er ugyldig grunna feil rettsanvendning.

Departementet sitt vedtak av 1. november 2019 fører og til at departementet sitt vedtak av 23. september 2019 vert ugyldig som følgje av feil rettsanvendning.

Departementet vil med dette gjere om sitt vedtak av 23. september 2019 utan klage etter forvaltningslova § 35 1. ledd pkt c), sidan det er ugyldig som følgje av feil rettsanvendning.

Vedtaket inneber at departementet sitt vedtak av 1. november 2019 er gjeldande i saka.

Med helsing

Bjørg Helene Holen
avdelingsdirektør
(e.f.)

Geir Uglum
seniorrådgjevar

Dokumentet er elektronisk signert og har derfor ikke håndskrevne signaturer

Kopi

Lindås kommune
Alf Eikevik
Elin T. Holmås Fanebust

Kollåsen 54
Lindåsvegen 2088

5116 Ulset
5955 Lindås